

Baeti ba Hlomphehang, Ditho tsa Fakhalthi, Baithuti ba aparang, Ba leloko le Metswalle,

Moithuti ya aparang ya ratehang

Bakeng sa Yunivesithi ya Thekenoloji ya Lekwa (VUT), ke ka thabo le motlotlo ke fetisang ditebohiso tsa rona ho e mong le e mong wa lona moketing ona o ikgethileng.

Kajeno ke sesupo ya tema e kgolo eo o e kgathileng leetong la hao, eo o e sebelleditseng ka thata mme e tshwanetsweng ke keteko le tlotlo ka tsela e nngwe le nngwe e teng. Jwalo ka ha e le monyetla wa ho ikgantsha, mokete wa dikapeso ke nako ya ho shebela morao mme o lebele se teng pele. Letsatsi lena ha se ka ho fumana lengolo la hao la thuto feela; ke bopaki ba kgolo ya hao, dithutong le bophelong ka bobedi. Nakong ya hao kaofela mona VUT, ha wa fumana feela tsebo empa o thehile bokgoni ba ho nahana ka kelohlolo, boqapi le maikutlo a boikarabelo sejthabeng.

Jwalo ka Motlatsa Motjhanselara le Mosuwehlooho wa VUT, ke lehlohonolo ho boha pheletso ya ho sebetsa ka thata, boikemisetso le mamello ya hao. O bontshitse e seng feela bokgabane dithutong empa hape bokgoni ba mamello, boikemisetso le ho ikamahanya le maemo di bohlokwa bakeng sa katloho lefatsheng la kajeno le tletseng dintwa, le fetofetohang, le matswedintsweke mme le kopakopaneng. Jwalo ka ha o kena mokgatlelong o latelang wa bophelo ba hao - ho sa natse hore na ke ho tswelapele ka dithuto tsa hao, ho lo sebetsa kapa ho latella ditiro tsa hao, hopola hore bokgoni le boiphihlelo tseo o di fumaneng mona di tla o tataisa hore o fihlele ditiro tsa hao le ho ba le kabelo e ntle lefatsheng. Dula o batla ho tseba, tswelapele ho bala mme o seke wa baleya diphepetso hobane ke ka diphepetso re holang le ho ntlafala. E ba sebete ho fihleng ditiro tsa hao, e ba le kutlwelo bohloko dikamanong tsa hao mme diqeto tsa hao e be tse nepahetseng.

E re ke hlwaye hore mokete wa lona wa dikapeso o etsahala ka nako e hlokolosi moo VUT e ketekang dilemo tse mashome a mabedi e le Yunivesithi ya Thekenoloji. Dilemong tsena kaofela, VUT e bile mme e tswelapele ho nehelana ka lethathamo le leholo la diindasteri tse etseditsweng mananeo a baithuti ba hona jwale le ba pele le kenyeletsang didikwadikwe tsa Saense ya tsa Khomphiyutha le Tshebediso, Boenjeneri le Thekenoloji, Saense ya tsa Botho le Saense ya tsa Tsamaiso. Motswako wa Mananeo a Mangolo a thuto (PQM) wa rona o fepela baithuti ba bangata ba nang le dikgahlelo le maikemisetso a makala a fapaneng, jwalo ka wena.

Ho fihlella mashome a mabedi ha se feela phihlelo e kgolo ya VUT, empa hape ke bopaki ba boikemisetso ba yunivesithi ho thuto, boqapi le bokgabane sedikwadikweng sa thekenoloji. Sehopotso se tjena ha se monyetla feela wa ho hopola dikatleho tsa morao empa hape ho sheba pele ho diphihlelo tsa hosane le dikabelo lefatsheng la thekenoloji le la dithuto. Kajeno re hetla morao ka motlotlo selemong seo se mahlonoko sa 2004 se bileng le tlhophisobotjha ya ditheo tsa thuto e phahameng, se lebisitseng tswalong ya VUT. Ha e sa le ka nako eo, yunivesithi e bone kgolo e ntle mesebetsing ya yona le phihlelong ya yona - mme o karolo e kgolo ya pale ya rona ya ho tloha ho phihlelong ho ya katlehong.

jwalo ka ha ke buile, mekete ya dikapeso ke nako e ntle ya ho hetlela morao mme ka hoo, ke o kgothaletsa hore o hetlele morao leetong la hao ho fihlela hona jwale mme o elellwe tshchetso eo o e fumaneng ho tswa ho barupedi ba hao, baeletsi ba tsa dithuto, baithuti mmoho le wena, ba leloko le metswalle. Kaofela ha bona ba bapetse karolo e bohlokwa diphihlelong ya ditabatabelo tsa hao tsa mosebetsi, esita le ka tsela e nyane mme ho bohlokwa ho bontsha teboho ya hao ho bona. Ha re bafeng ditlatse tse kgolo!

Sa ho qetela, lefatshe le emetse ditalente, mehopolo le dikabelo tsa lona. E yang kante ka boitshepo, sebete le boikemisetso ba ho etsa phethoho.

Hape, lebitsong la setjhaba sa VUT, ke le lakaletsa katleho le mahlohonolo bokamosong ba lona. E ka leeto la lona le ka tlala ka katleho, thabo le menyetla e sa feleng.

Ke a le lebohisa hape baithuti ba aparang. Re motlotlo haholo ka lona!